

青少年中国古典文学精读·演绎卷

开辟演义

原著 (明) 周 游
缩编 吴献良

山东文艺出版社

44
2
青少年中国古典文学名著·戏曲卷

开辟演义

原著 (明) 周 游

缩编 吴献良

山东文艺出版社

青少年中国古典文学精读·演绎卷

策 划 禅苑工作室

主 编 李淑捷

副主编 博 夫 马嫦娥

编 委 (排名不分先后)

博 夫 李淑捷 李 琦 杨 光

梁乃茹 马嫦娥 铁 周 李志斌

吴献良 张亚琴

青少年中国古典文学精读·演绎卷

开辟演义

原著 (明)周 游 缩编 吴献良

山东文艺出版社出版发行

(济南经九路胜利大街)

山东省新华书店发行

铁道标准化怀柔印刷厂印刷

*

787×1092毫米32开本30印张650千字

1996年5月第1版 1996年5月第1次印刷

印数1—8000册

ISBN 7—5329—1342—2

I·1180 定价:38.00元(全十册)

目 录

第 一 回	盘古氏开天辟地	(1)
第 二 回	天皇定干支甲子	(3)
第 三 回	地皇分日月星辰	(4)
第 四 回	人皇分山川九区	(8)
第 五 回	五龙列氏治天下	(10)
第 六 回	有巢氏父子治政	(11)
第 七 回	伏羲画卦定天下	(13)
第 八 回	龙马负河图洛书	(15)
第 九 回	女娲兴兵诛共工	(17)
第 十 回	女娲氏炼石补天	(19)
第 十 一 回	女皇大封列国侯	(21)
第 十 二 回	神农艺谷尝百草	(24)
第 十 三 回	精卫公主访神仙	(26)
第 十 四 回	轩辕救驾灭蚩尤	(29)
第 十 五 回	帝用六相治天下	(33)
第 十 六 回	元妃教民养蚕丝	(37)

第十七回	少昊即位都曲阜	(38)
第十八回	九侯奉旨征九黎	(40)
第十九回	勾龙攻城暗退兵	(42)
第二十回	颛顼高阳即帝位	(43)
第二十一回	九太子征伐九黎	(45)
第二十二回	勾龙退围灭九黎	(48)
第二十三回	颛顼灭黎伏四夷	(51)
第二十四回	帝啻高辛氏即位	(52)
第二十五回	尧率八元谏帝摯	(54)
第二十六回	众诸侯废摯立尧	(56)
第二十七回	尧帝即位都平阳	(58)
第二十八回	尧帝命羿射九日	(59)
第二十九回	羿缴大风除兽害	(61)
第三十回	四岳举鲧治洪水	(65)
第三十一回	尧帝康衢听童谣	(69)
第三十二回	大舜躬耕于历山	(70)
第三十三回	尧帝访贤让天下	(72)
第三十四回	尧让舜天下而崩	(74)
第三十五回	舜帝即位召八恺	(76)
第三十六回	舜帝歌南风之诗	(77)

第三十七回	舜帝命禹征三苗	(78)
第三十八回	舜命禹治水救民	(80)
第三十九回	舜南狩禅位于禹	(82)
第四十回	禹王承位会诸侯	(83)

第一回 盘古氏开天辟地

却说西方世尊释迦牟尼佛放大光明，照见天下万国，四大部洲洪蒙久闭而不得升降，天昏地暗，神惨鬼愁，犹人居诸水火之中，奔溺之状，深为可怜。世尊发大慈悲，呼阿难问曰：“汝见天下四大部洲否？”阿能启佛曰：“弟子愚昧，不知四大部洲何物。”佛曰：“天下四大部洲者：吾此方是西牛贺洲，东是东胜神洲，北是北俱卢洲，惟有南赡部洲天地洪荒。”观音大士出班合掌顶礼，上白佛言曰：“世尊，今南赡部洲历劫已满，世尊救度普济，莫非立教复开天地者乎？”佛曰：“善哉！正是此说。今欲一人开天辟地，为万世之始主。此非细事，恐不得其人。”见班旁一位菩萨合掌微笑，世尊看是毗多崩娑那，命近前问之。这位菩萨即擎拳长跪，稽首佛前，上白世尊曰：“南赡部洲若得天地开辟，只恐弟子身遭恶业，何以解脱？”佛曰：“止命汝一身去开天辟地，成万世不朽之功，有何恶业？不必挂碍，速往前行！天地既分，万物始成，二气一分，吾即救汝复至此方。”

毗多崩娑那受佛命毕，只得顶礼辞别世尊并诸大菩萨，驾一朵祥云，离了西方佛境，直来至南赡部洲大洪荒处，大吼一声，投下地中，化成一物，团圆如一蟠桃样，内有核如孩形，于天地中滚来滚去。约有七七四十九转，渐渐长成一人，身長三丈六尺，头角狰狞，神眉怒目，獠牙巨口，遍体皆毛，将身一伸，天即渐高，地便坠下，而天地更有相连者，遂左手执凿，右手持

斧，或用斧劈，或以凿开，自是神力。久而天地乃分，二气升降，清者上为天，浊者下为地。自此而混茫开矣，庶类繁矣，相传首出御世。随后，毗多崩娑那便立一石碑，长三丈，阔九尺，自镌二十字于其上曰：吾乃盘古氏，开天辟地基。亥子重交媾，依旧似今时。

且说世尊慧眼遥观，见毗多崩娑那功成行满，在世已久，吩咐观音大士曰：“汝可变一天神，执净瓶前去倾出甘露，令毗多崩娑那浴身，恐沾污秽，难以离世；说出西方形骸，救度他转来。”大士领佛法旨，即辞世尊，驾祥云至大荒，摇身变一天神，高四丈，手执净瓶，立于碑前。盘古氏问曰：“汝是何人？执此净瓶何故？”大士曰：“吾净瓶有甘露，为汝身触污秽，如来使吾代汝洗身。”盘古氏本西方大圣，一闻大士之言，心便开悟，即顶礼皈依，叩求救度。大士见其心转，随将净瓶中甘露于盘古头顶上倾下，盘古氏大吼一声，滚于地中，霎时依旧化成一蟠桃。大士一见，即向前用净瓶装入，径回西天，见世尊叩首参拜，白佛曰：“弟子救得毗多崩娑那至此，望如来慈悲！”遂将蟠桃献上。

毗多崩娑那即刻现出原形，于佛前叩首顶礼，世尊大喜。大士又启佛曰：“虽蒙慈悲，天地已分，弟子不识开天辟地后又当何如。”世尊曰：“天地既分之后，轻清者阳气上升，重浊者阴气下降，二气化而生人，阴阳交媾，自能生育万物。至于禽兽蠢动含灵，莫不本此。”大众诸佛菩萨皆合掌欢喜，稽首而退。

第二回 天皇定干支甲子

却说天皇氏者，自盘古氏返西之后，阴阳正气交媾，木德王岁起于摄提，冲动四象，结成一大石球，滚化出十二小球，乃一日降世，球内皆生出一人，共十三人，惟天皇氏全身皆白色，长三丈五尺，面如傅粉，唇若涂朱。其兄弟十二人尊之为主，继盘古氏以治理天下，原未取有姓名，各星散而居。自此，天下四大部洲，或天降，或地生，或三，或五，皆成人形。

天皇氏天灵澹泊，无为而治平，不言而俗化。乃召兄弟十二人于前曰：“盘古氏明天地之道，达阴阳之理，为三才首君而开混沌。吾蒙诸弟推立，欲置天地行运之道、父母相生之理，以天干地支相配，辑定时候，吾亦不知其可否，故召弟等商之。”十二弟齐声对曰：“闻混沌初分之时，天干藏于上，地支埋于下。但不知我兄今欲如何而取用也？”天皇曰：“天干者，乃十父也：甲，名曰闾逢；乙，名曰旃蒙；丙，名曰柔兆；丁，名曰疆圉；戊，名曰著雍；己，名曰屠维；庚，名曰上章；辛，名曰重光；壬，名曰玄默；癸，名曰昭阳。地支者，乃十二母也：子，名曰困敦，为混沌万物之初萌，藏黄泉之下；丑，名曰赤奋若，气运奋迅而起，万物无不若其性；寅，名曰摄提格，万物承阳而起；卯，名曰单阏，阳气推万物而起；辰，名曰执徐，伏蛰之物，而敷舒出；巳，名曰大荒落，万物炽盛而出，霍然落之；午，名曰敦牂，万物壮盛也；未，名曰协洽，阴阳和合，万物化生；申，名曰涓滩，万

物吐秀，倾垂也；酉，名曰作噩，万物皆芒枝起；戌，名曰阍茂，万物皆蔽冒也；亥，名曰大渊献，万物于天，深盖藏也。”十二弟又启曰：“然则天干十，地支十二，何以用之乎？”天皇教之曰：“天干降合，地支生长，每与相配，如甲配子，乙配丑，轮流相合，周而复始，而为六十甲子，万物滋生于中。盖因盘古氏既开天，而未治十干之名，既辟地，而未定十二支之义，吾今立十干以定岁次，立十二支以定四时。岁时既定，则民始知天道之所向矣。”

十二弟闻说，各大欢喜，唯唯而退。自此，天地位焉，万物育焉，颇通君臣之义。

第三回 地皇分日月星辰

却说天皇氏虽立六十甲子，昼夜不分，永冥冥焉。正值火德王兴于熊耳、龙门等山，忽然山中地出金光数丈，现五色祥云，降下一物，如莲花样，摇摆数次，如前而出一般十人，形容体态大抵肖似。一出便知尊兄为主，各相言曰：“天皇去后，今兄降世，可继为地皇。”地皇诺之，曰：“弟等既立我以继天皇，当作用创立，以垂宪万世。”众弟曰：“我兄天生圣君，必有睿裁，弟等领命。”地皇曰：“岁时虽定，昼夜不分，日月不明，人民万物将何以为上宰乎？必得定其日月之升降，以分其昼夜之时刻期限，朔望盈虚，庶民方有所赖矣。”诸弟闻说，皆大欢喜。地皇曰：“吾今先代汝诸弟取其姓名，各处而居，再商昼夜之计。”诸弟请曰：“吾兄取何名姓？”地皇曰：“姓则共，而名分，取十字

创制诸辰法，永垂宪万世，以此十字为汝等安名。其一曰地创，二曰地制，三曰地诸，四曰地辰，五曰地法，六曰地永，七曰地垂，八曰地宪，九曰地万，十曰地世。”诸弟受名谢恩。地皇吩咐曰：“汝等暂且散居各方，俟有召命，各宜向前立功。”诸弟领命，皆分别而去。

地皇氏自思曰：“必须先得日月分明，星辰有位，然后方可以分昼夜。为此，当召四弟地辰议之。”即遣使命，令召地辰。参拜毕，地皇曰：“今闻日月二人居于咸池，不升明照，乐于爱溺，沉于精魄，恐召不来。汝可试往召之，看彼何如。”地辰领命，取路径至咸池。

却说太阳日君，姓孙，名开，字子真，乃男身；太阳月君姓唐，名未，字天贤，乃女身。二人自天地消闭之后，阴阳相混，隐避于咸池，幽居不离。忽报地皇氏差有使命至，日月出接，延入池边坐定。地辰宣言：“地皇使某白二君前去照临，以救万民。”日月曰：“某二人久居在此，难以分离，况升照必有分别，分而难合，烦为转达，实难领命。”遂走入咸池不出。地辰只得回见地皇，将前事一一奏上。

却说地皇氏乃西方地帝鸡降世，随即沐浴闭气，飘然而行。至西方，正值世尊升座莲台说法，诸菩萨侍立，忽座下见地皇氏俯伏言曰：“望佛发大慈悲，行大方便！”佛曰：“地帝鸡，汝已为地皇，今有何事至此？”地皇叩首曰：“弟子欲分昼夜，以定日月星辰，遣使宣召孙开、唐未，二人不尊召命，不肯分离，只得来投世尊，望乞垂怜！”佛曰：“我前命毗多崩娑那降世为盘古氏，亦知其未伏日月三辰，是无昼夜。欲升日月，必得毗多崩娑那再行，方可以制之。”毗多崩娑那不敢违佛法旨，只得启告曰：“弟子此去，何以制之？”世尊命毗多崩娑那上前，令伸左

手，书一“日”字，右手书一“月”字，念真言曰：“唵，嚩，嚩，哆，嚩，嚩，吽。”嘱之曰：“汝若去到咸池，将此真言念动，先分其阴阳，次伸出左手招日，又伸出右手招月，主诵《心经》七遍，送上天宫，则阴阳自分而成昼夜矣。”毗多崩娑那又告曰：“日月既承开示，但不知星辰之事当何如？”世尊曰：“星由月转，因天地消闭，皆于混中已成石矣，今聚在西北角。”毗多崩娑那告佛曰：“用何法升提，令其分位？”世尊曰：“诸星散乱，俱有其方位。汝可先升七辰于北方，此系众星象之主，诸星必然拱向；次升五帝天星；三升天乙、太乙、三师、后妃等星；四升文昌、玄武、三台、八座等星；五升七姑星，列于天河、鹊桥之后；六升二十八宿，布列四方；七升金、木、水、火、土五星，此为五行；八升十二曜，分十二位；九升太子、庶子、御女、左右少微等星；十升猴、计都。一一升提，各居其方位，自然不致紊乱，而灿明矣。”毗多崩娑那曰：“河法升之？”世尊曰：“念动《心经》，其星即升。”

毗多崩娑那听佛此说，满心欢喜，叩首拜辞如来，即同地帝鸡而来。至咸池，依佛指示，将前真言念动，只见日、月二君飘飘荡荡，放大毫光，显出赤白二气冲天而起，便觉天地光明，比前混沌景象大不相同。毗多崩娑那、地帝鸡大喜，即向前喝曰：“汝二人久淆违佛法旨，吾不汝较，可速分赤、白二气前来受戒！”少顷间，赤、白二气渐渐分开，赤左白右，各聚成一团。毗多崩娑那伸手呼曰：“孙开速上吾掌？”只见一团赤气飞入掌中。再伸右手呼曰：“唐未速上吾掌！”一团白气飞入掌中。用两手高擎，念《心经》七遍，又念动真言，喝曰：“赤左白右，昼日夜月，不得相淆！如违法旨，按令施行！”只见赤、白二团一齐离掌，直升上天，白月没于云内，赤日光明普照四方矣。二人大悦。地帝鸡曰：“今昼则定矣，夜何以分？”毗多崩娑那曰：“吾与

汝且候之。——孙开欲心未断，必恋慕唐未，待其行至身斜，可召云以掩其光，而推唐未出焉，则成夜矣。”地帝鸡闻说大喜。不多时，果然孙开身斜，欲寻唐未，被云蔽光，不得相会。毗多崩娑那即念动真言催月渐升，遍照四方，而为夜矣。

二人见日月分明，已有昼夜，又依世尊之旨，向西北方念动真言，先升北斗，只见七星相连，光芒闪烁，列于北方。将《心经》持诵，而诸星象辰宿皆灿烂光明，各升本位，拱向北斗。二人甚悦。

毗多崩娑那曰：“三辰位定矣，日月昼夜分矣，只是孙开、唐未居咸池交久，欲爱未断，久后必有月爱日、日爱月相护之咎。”地帝鸡问曰：“若有此咎，何有处分？”毗多崩娑那曰：“某料不妨，若日贪月，则名月蚀；若月贪日，则名日食。民间见其晦暗，必大惊小怪，恐其不光，自用金鼓震动。孙、唐二人心慌，必定惊散而复光明。但不免岁有一次。然太阳之气充满，无有亏虚；太阴之气微弱，必有盈虚。”

说罢，二人作别。毗多崩娑那转西方回佛法旨，地帝鸡乃召十弟聚会，相庆称赞。地皇氏曰：“今昼夜、日月、星辰已定，吾欲以盈虚消长、朔望相继三百六十五日为一岁，俾后之民庶知日月之道、星辰之理、昼夜之长短、四时之不息所以然也。”众弟曰：“此吾兄没世之功也！”各辞归本地不提。

地皇氏自定日月星辰之后，万民安泰，与十弟共分治天下一万八千年而崩，继之人皇氏出焉。

第四回 人皇分山川九区

却说人皇氏乃八白降世，正该土德王时，忽地气冲天，天上东北角有九人乘云车、驾六羽而下，出于山谷之口，有祥云拥护，毫光万道。人皇生得面带青色，目若朗星，身長三丈三尺，第八人，亦各向前拜尊人皇氏为兄。人皇自呼曰：“吾乃民主，汝等人民何不前来礼拜？”人民见此神通，拜倒数万余人。人皇氏曰：“自盘古氏开天后，天皇氏为民劳心殫力，制天干地支与汝等定岁时，地皇氏为汝等升日月、定星辰、分昼夜，此永世不没之德。止山川地上万物及君臣、父子、夫妇、兄弟、饮食未置。吾今欲专制是事，汝等可各居一方镇守。今代汝等各取一名，方可招呼：长弟名曰居孝，次弟名曰居弟，三弟名曰居忠，四弟名曰居信，五弟名曰居礼，六弟名曰居义，七弟名曰居廉，八弟名曰居耻。”八弟叩谢，各去各地方镇守。

彼时风气渐开，时序颇著，万物群生，遍处皆山林，鸟兽、人民同居，往往为害。一日，人皇氏乃召八弟前至，曰：“吾今见人民、禽兽杂居，汝八人可各回本方，开创人居之处，去其草木，庶人民、禽兽各得其所，不至混杂；更教民饮食，一日只卯、午、酉三时可食，每时食一饱，不可过食；夜则寝，昼则起，庶民不失其时矣。今虽有男女生育，未明婚配，教民各自择配，不许苟合淫欲，庶男女不至淆乱矣。”八弟闻言大喜，人皇氏曰：“此事非小可。今天下人民众多，欲制此事，须召众方伯至，而后方

可定制。”八弟曰：“欲召何人？”人皇氏曰：“今有五龙氏兄弟五人，原出地皇之世，令其居于五方，司五行、布山川，今传有五十九姓于摄提。此一路，烦居孝弟召为首者至，吾自有吩咐。”居孝领旨辞别而去。人皇氏又曰：“更有合雒氏三姓，名旺中、旺正、旺丁者，原亦系摄提氏之派，教民开土穴而居；又有连通氏六姓，系合雒氏之派，名僚、侈、佳、住、仁、信者六人；又有叙命氏四姓，乃系连通氏之派，名曰连一、连二、连三、连四。烦居弟、居忠、居信三弟，亦召其为首者至，吾自有吩咐。”三弟各领旨而去。人皇氏又曰：“今数处召命已发行矣，更有循蜚氏之派，有二十二氏，居于汾睢阳；又有钜灵氏，迹躔于蜀，钜灵氏掌握化权，指挥五丁之氏，反山川，怯阴阳，今居于无恒之处；又有泰壹氏，为地皇氏调大鸿之气，正神明之位；又有神民氏，使人民异业精气流行。此几处，烦居礼、居义二弟亦召其为首者至，吾自有吩咐。”二弟亦领旨而去。人皇氏又曰：“更有因提氏、辰放氏，教人卉服蔽体，以木茹皮，以御风露，绞髻陶首，以遮雨雪。今传四世。烦居廉、居耻二弟召至，吾亦有吩咐。”二人亦领旨而去。

不半岁光阴，各处人等皆承召命齐集伺朝见。人皇曰：“劳诸卿光降，今天下人民颇众，日用稍均，禽兽归山，鱼虾归水。然人乃万物之灵，岂可男女由其自欲，而不定其婚配可乎？”众臣对曰：“臣等亦知此事，但未得制度之法，祈求吾皇指示！”人皇曰：“未能正己，焉能正人！各当自立得人，其教方行。寡人原得地皇氏孙女二人，吾即立为后妃；弟等八人各择一女配之；卿等回镇，亦各自择贤室。此教民定其婚配，为万代之第一义矣。”八弟、诸臣皆大欢喜，奏曰：“此吾皇万世之德教也。”各人谢恩而退，自回本镇，依人皇之法教民，民皆乐从，而各镇诸

臣亦得安壤而治，普天悉沾其化。

人皇氏兄弟九人，共四万一千六百岁，分天下为九区而治。

第五回 五龙列氏治天下

却说人皇氏之后，有五龙氏兄弟五人焉。一曰皇伯，二曰皇仲，三曰皇叔，四曰皇季，五曰皇少。五姓同期治五方，司五类，布山岳，世坼巢穴，日月贞明，驾龙以治，故号五龙氏。

继五龙氏而治者，乃循蜚纪二十二氏：

钺灵氏 句疆氏 譙胡氏 涿光氏

钩阵氏 黄神氏 钺神氏 黎灵氏

大骧氏 鬼隗氏 弇兹氏 泰运氏

冉相氏 盖盈氏 大敦氏 灵阳氏

巫常氏 泰壹氏 空桑氏 神民氏

倚帝氏 次民氏

钺灵氏出于汾脰，与元气齐生，握大众持化，而与物相蔽；铄挥五丁之士，祛阴阳，运山川，神化大凝；居无恒处，而迹躔于蜀。继治有句疆氏、譙胡氏、涿光氏、钩阵氏、黄神氏、钺神氏、黎灵氏、大骧氏、鬼隗氏、弇兹氏、泰运氏，没而为河神，司水，出入有光；冉相氏、盖盈氏、大敦氏、云阳氏，是为阳帝，出于长沙之茶陵，厥化混混，厥生蒙蒙；巫常氏、泰壹氏，是为皇人，开图挺纪，执大同之制，调大鸿之气，正神明之位，盖范无形，尝无味，要会久视，操法揽而长存者。厥后，神农氏开医于泰壹小

子，而黄帝、老子受要法于泰壹元君，有兵法杂子、阴阳云气、黄冶及泰壹之书。其书言黄帝游灵台，谒峨嵋，见天真皇人于玉堂，咨以三一之道，论水火降霄宫大渊之事。后有空桑氏，一曰广桑，在兖州；神民氏，作都于神民之丘，盖使民神异业，精气通行，一曰神皇氏，驾六蜚鹿，而治天下三百岁；倚帝氏、次民氏继之而治。又因提纪有十三氏，继次民氏后而治世，亦列于左：

辰放氏 蜀山氏 魍傀氏 混沌氏
 东户氏 皇覃氏 启统氏 吉夷氏
 几蓬氏 猗韦氏 有巢氏 燧人氏
 庸成氏

辰放氏是为元皇，都于帝勃，驾六飞麟而从日月，上下天地，与神合谋。古初之人，卉服蔽体，乃教民棼木茹皮，以御风霜，绉发闾首，以去灵雨，号曰衣皮之民。治天下二百五十年，传四世，有蜀山氏、魍傀氏、混沌氏，生而不杀，予而不夺，天下之人服其服而怀其德。当世时，阴阳相和，万世一息，蜚鸟之巢可俯而探也，走兽可系而从也。混沌氏之治也，传七世有东户氏、皇覃氏、启统氏、吉夷氏、几蓬氏、猗韦氏，继之有巢氏、燧人氏、庸成氏以治天下，教人民驾屋、火食。

第 六 回 有巢氏父子治政

却说有巢氏为诸侯，发政施仁，无日不以天下为念，而天下民咸归之。见人民出入相友，况禽兽尚与人同宿共食者，有